



Na: Lider di Frakshon pa Partido
Demokrat
Señor R.C.M. Beukenboom
Presente

Uw brief van:

Ons nummer: 201501 ²⁷⁰³

Datum: 23 november 2015

Betref: kontesta riba kartanan

Apresiabel señor Beukenboom,

Na promé lugá un diskulpa pa e tardansa pa kontesta bo kartanan di 19 di òktober registrá ku number di archivo 201501104 i di 13 di novèmber registrá ku number di archivo 2015012407.

Den e kartanan aki bo ta komentá ku e prosedura ku Grifir a kana den registrashon di un karta di frakshon MPB no ta un prosedura korekto. Bo ta referí spesífiko na artikulo 4, insiso 7 di Reglamentu di Ordu pa Konseho Insular.

Mi a pidi Grifir akklarashon di e prosedura aki i ela informá mi ku e karta a drenta enbèrdat riba djasabra 10 di òktober i riba djaluna 12 di òktober ela wòrdu registrá pero ku fecha di djasabra. Bo komentario ta referí na dos punto: Dikon un karta ku ta drenta riba djasabra via di e-meil ta wòrdu registrá riba djaluna pero ku fecha di djasabra. Bo di dos punto ta dikun ta registrá kartanan ku no ta drenta ku un firma.

Mi a komprondé ku sistema di registrashon di Gobièrnu ta ku semper ta registrá un karta ora ku e sekretariado ta hañ'é den su atministrashon. Nos no a kustumá ku esaki ta riba un djasabra ni un djadumingu.

Tambe nos a kustumá, ku ta konforme di Reglamentu di Ordu, ku tur karta mester ta firma promé ku esaki ser trata komo un karta ofisial.

Mi ta ripara ku asuntunan aki mas biaha a yega di ta punto di diskushon i ta trese inkларidat i asta deskonfiansa. Ta p'esei mi ke bai pone esaki komo punto di agènda di nos reunionnan di Presidium kaminda ku mi lo stimulá pa tur frakshon hasi afsprak ku otro riba e aspektonan di atministrashon aki. Griffie tei pa fasilitá trabounan di Konseho Insular i mester aktua konforme e afspraknan ku wòrdu hasi pa evitá diskushon den futuro.

Atentamente,

E.E. Rijna
Presidente di Konseho Insular



Griffie ER Bonaire	
Ingek.: NOV 13 2015	
Volgnummer: 2015012407	
Griffier:	Uitv.:

Kralendijk, 13 November 2015.

Na: Presidente di K.I
Sr. E.E.Rijna.

Di: Miembro di K.I
Sr. R.C.M. Beukenboom.

Tópiko: Korespondensia di Ofisina di Griffier numerá 2015010947, 2015010934, 2015010934

Apresiabel sr. Presidente,

Permití nos Frakshon pa hasi sierto remarke pregunta riba e korespondensianan indiká den e tópiko arribá mensioná.

Nos Frakshon dia 15 di Òktober último a skohe artíkulo 48 di nos Reglamentu di Òrdu (RDO) pa hasi un seri di pregunta (2015010934). Sr. Presidente lo mester a kontestá den e reunion públiko di dia 27 di Òktober último, opviamente tin inklaridat serka nos Frakshon i nos a deseá un splikashon riba e tópiko aki. Sinembargo a resultá ku NO tabatin ningun kontesta prepará pa sr. Presidente a kontesta K.I. Tambe ta asina ku miembro Coffie a pidi pa wanta ku kontesta te un próksimo reunion. Di parti di Frakshon di Demokrat nos a indiká ku lo hasi e preguntanan por eskrito.

Pa medio di esaki nos ke ripití nos preguntanan e bia aki, konforme artíkulo 45 di nos RDO, kontesta por eskrito.

Den Griffier su karta (2015010947) dirigí na Vise Presidente di K.I ta indiká ku for di Djasabra 10 di Òktober 2015 pa 8.27 di anochi un meil a drenta serka Griffier ku e petishon pa atendé ku e karta ku a bai Representante di Reino. Griffier ta papia di un omishon i ta mensioná e motibunán di e eror kometé. Sinembargo den e karta i korespondensia di Griffier nos no ta mira un dokumentu firmá pa miembro sr. Tjin Asjoe ku ta komprobá ku a kana e prosedura konforme artíkulo 4 insiso 7 di nos RDO. Nos ta sita e artíkulo indiká: "Schriftelijke stukken zoals brieven, verklaringen, verzoeken en dergelijke dienen in 'hardcopy' in de originele versie, voorzien van originele handtekening van betrokkenen bij de griffie te worden ingediend".

- Por informá K.I di kambio di lei o prosedura pa ku artíkulo 4 insiso 7?
- Un meil, SIN firma, segun Griffier ta motibu di e omishon, siendo ku esaki ta kontra nos RDO. Nos ta keda straño kon e karta (2015010934) firmá pa sr. Tjin Asjoe ta wòrdu registrá riba Djasabra 10 di Òktober siendo ku e dia aki NO ta un dia di trabou i Griffier NO tabata den poder di e karta mensioná.
- Nos Frakshon por haña akklarashon riba e punto aki?

Den pasado nos Frakshon a hala atenshon di Griffier riba violashon di nos reglamentu den kasonan similar, pero aparentemente esaki no a duna resultado.

Aparentemente NO tin un 'level playing field' den K.I, prueba di esaki ta e asuntu di kompensashon di gastunan di telefon pa nos miembronan i e biahe pa e kongreso di VNG na Hulanda.

Nos ta spera ku kontesta riba e serie di preguntanan aki por kita nos prekupashon i proba ku nos ta robes.

Sperando riba un kontesta nos ta terminá,

atentamente, R.C.M. Beukenboom, Lider di Frakshon pa Partido Demokrat.